

隸

釋



四部叢刊三編

隸釋

(04203)

中華民國二十四年九月初版

每部八册定價大洋肆元

外埠酌加運費匯費

發行人

王

上海

雲

河南

五

路

印刷所

商

上海

印

河南

館

路

發行所

商

上海

印

及各

書館

埠

隸釋卷第二十五

趙氏金石錄

郎中馬君碑

武都太守李翕碑

博陵太守孔彪碑

成陽靈臺碑

廷尉仲定碑

故民吳公碑

司隸校尉魯峻碑

桂陽太守周府君頌

周府君碑陰

石經遺字

堂谿典嵩高山石闕銘

帝堯碑

蒼頡廟碑

庠彰長斷碑

梁相費汎碑

堂邑令費君碑

費君碑陰

太尉陳球碑

華嶽碑

太尉郭禧碑

郭禧碑陰

郭禧後碑

樊毅西嶽碑

禹廟碑

異州從事郭君碑

逢童碑

逢童碑陰

殺阮君神祠碑

殺阮君神祠碑陰

無極山碑

揚州刺史敬使君碑

藁長蔡湛頌

蔡湛碑陰

安平相孫根碑

涼州刺史魏君碑

碭孔君神祠碑

成陽令唐君頌

唐君碑陰

白石神君碑

幽州刺史朱龜碑

朱龜碑陰

都鄉正街彈碑

太尉劉寬碑

劉寬碑陰

尉氏令鄭君碑

趙相劉衡碑

陳君碑

陳仲弓碑

陳仲弓碑陰

郎中馬君碑

隸釋卷第五

付

世

右郎中馬君碑文字殘缺所可見者字元海而已又云其先賜號馬服因遂氏焉又云以和平元年舉孝廉除郎中謙虛接下冠名三署又云年世元嘉三年正月卒又云夫人年五十五建寧三年十二月卒其宅不可考究矣

武都太守李翕碑

漢時文字多與今隸書不合皆依石本錄之

右武都太守李翕碑文字首尾字好云漢武都太守漢陽阿陽李君諱翕字伯都其後歷叙在郡治蹟云郡西硤中道危難阻峻緣崖俾閣兩山壁立隆崇造

雲下有不測之谿阨，卒促迫財容，車騎進不能濟。息
不得駐，數有顛覆墮墜之害。君勅衡官有秩李瑾掾
仇審，因常繇道徒鑿燒破析，刻石崔嵬，滅高就埤，柙
致土石，堅固廣大，可以夜涉。四方無雍行人，懽悃民
歌德惠，穆如清風。乃刊斯石，其後有頌詩，最末題建
寧四年六月十三日壬寅造云。

博陵太守孔彪碑

右博陵太守孔彪碑，歐陽公集古錄云：孔君碑者，其
名字摩滅不可見，而世次官闕粗可考。云孔子十九

代孫頴川君之元子也。舉孝廉，除郎中，博昌長，拜尚書侍郎，治書侍御史，博陵太守，遷下邳，相河東太守。建寧四年十月卒。其終始略可見，惟其名字皆亡，爲可惜也。今此碑雖殘缺，而名字尚完，可識云：君諱彪，字元上，又韓府君孔子廟碑陰載。當時出錢人名，亦有尚書侍郎孔彪。元上與此書正同，惟孔君自博陵再遷爲河東太守，而碑額題故博陵太守孔府君碑。漢人多如此，然莫曉其何謂也。

成陽靈臺碑

右成陽靈臺碑成陽屬今雷澤碑略云堯母慶都僊
歿蓋葬于茲欲人不知名曰靈臺歐陽集古錄以謂
自史記地志及水經諸書皆無堯母葬處余按班固
西漢劉昭東漢書地理志皆曰成陽有堯冢靈臺而
東漢志章帝元和二年東巡狩將至泰山道使使者
奉一太牢祠帝堯於濟陰成陽靈臺與章帝紀所載
正同帝紀章懷太子注引郭緣生述征記云成陽縣
東南有堯母慶都墓上有祠廟堯母陵俗亦名靈臺
文母水經注今成陽城西二里有堯陵陵南一里有

堯母慶都陵於城爲西南稱曰靈臺蓋兩漢史所載似以靈臺爲堯冢惟此碑與述征記水經迺直指爲堯母冢爾然水經云在成陽西南而述征云在東南未知孰是又集古錄云諸書俗本多作城陽獨此碑爲成陽當以碑爲正余嘗考之成陽縣名屬濟陰郡城陽乃王國名漢文帝二年以封齊悼惠王子章者漢志所載各異未嘗差誤也碑有廷尉某歐陽公以爲姓名摩滅不可讀今驗其缺處姓下隱隱有定字知其名定而其後云濟陰太守審晃成陽令管遵各

世餘

遣大掾輔助仲君知其姓仲氏世為成陽人定有墓在雷澤碑尚存其額題漢故廷尉仲君碑有云表祠唐堯為漢祈福又云為廷尉卿託病乞歸脩堯靈臺黃屋世餘上聽拜太中大夫云

在城西南蓋一卷靈臺碑

無脩堯靈臺黃屋世餘

余為淄州同官李荆雷澤又云冢正

廷尉仲定碑

右廷尉仲定碑在今濮州雷澤其額題漢故廷尉仲君之碑碑載官闕甚詳雖殘缺然尚可次第其略云君諱定聖漢龍興家于成陽父張掖廣漢太守以父

勲拜琅邪太守南陽陰府君察孝不行南郡胡公除
濟陰復舉孝廉拜尚書左丞除郎中遷彭城呂長徵
試博士太傅下邳趙公舉君高行遷豫州刺史將軍
從事符節令豫章太守徵議郎拜大尚書遜位復徵
拜將軍長史遷城門校尉執金吾拜太中大夫遷廷
尉卿託病乞歸脩堯靈臺黃屋世餘上聽拜太中大
夫臺成事訖上以君先帝舊臣筴請令州郡以禮特
遣熹平元年孟秋上旬君邁疾不瘳於是門生養徒
故吏鄉黨刊石勒銘樹碑表道焉兩漢遷拜次第史

既不能詳載而石刻類皆摩滅難考今此碑所載詳
悉故畫著之所謂南郡胡公者廣也太傅下邳趙公
者峻也按定漢史無傳惟風俗通元和姓纂具載姓
名官爵云

故民吳公碑

右吳公碑其額題漢故民吳公之碑碑云熹平元年
十二月上旬吳公仲山其他刻畫完好如新文詞頗
拙陋書亦怪而不工然漢時石刻存者漸少而此碑
特完故錄之以資博覽

司隸校尉魯峻碑

右司隸校尉魯峻碑云君諱峻字仲嚴鄆道元注水經引戴延之西征記曰焦氏山北金鄉山有漢司隸校尉魯恭冢冢前有石祠四壁皆青石隱起自書契以來忠臣孝子貞婦孔子及七十二弟子形像像邊皆刻石記之今墓與石室尚存惟此碑爲人輦置任城縣學矣余嘗得石室所刻畫像與延之所記合又其他地里書如方輿志寰宇記之類皆作峻惟水經誤轉寫爲恭爾

桂陽太守周府君頌

右桂陽太守周府君頌。歐陽公集古錄云：府君字君光，而名已訛，缺不可辨。圖經但云周使君，而亦不著其名。後漢書又無傳，遂不知爲何人。而曾子固言嘗得此碑於韶州，王之才之才以書來言曲江縣圖經周府君名昕，字君光，則未叔云圖經不載其名者，蓋考之未詳也。今此本雖訛缺，然究其點畫，殊不類昕字。二公所說既不同，而韶州圖經余家偶無有，皆未可知也。

余後見市中印本，歐陽公廬陵集別有一跋尾云：周君名懔，懔字頗近之。

周府君碑陰

右周府君碑陰題名凡卅一人姓氏具存按酈道元注水經瀧水南逕曲江縣東縣昔號曲紅曲紅山名也而東西兩漢史皆作曲江今據此碑自縣長圖祉而下凡十七人皆書爲曲紅則是當時縣名曲紅無可疑者不知兩漢皆作曲江何也

石經遺字

右石經遺字者藏洛陽及長安人家蓋靈帝熹平四年所立其字則蔡邕小字八分書也其後屢經遷徙

故散落不存今所有者纔數千字皆土壤埋沒之餘
摩滅而僅存者爾按後漢書儒林傳叙云爲古文篆
隸三體者非也蓋邕所書乃八分而三體石經乃魏
時所建也又按靈帝紀言詔諸儒正五經文字刻石
立于太學門外蔡邕傳乃去奏求正定六經文字旣
已不同而章懷太子注引洛陽記所載有尚書周易
公羊傳論語禮記今余所藏遺字有尚書公羊傳論
語又有詩儀禮然則當時所立又不止六經矣洛陽
記又云禮記碑上有諫議大夫馬日磾議郎蔡邕等

名今論語公羊後亦有堂谿典馬曰礪等姓名尚在
據邕傳稱邕以經籍去聖久遠文字多謬俗儒穿鑿
疑誤後學乃秦求正定自書于碑於是後儒晚學咸
取正焉今石本既已摩滅而歲久轉寫日就訛舛以
世所傳經書本校此遺字其不同者已數百言又篇
第亦時有小異使完本具存則其異同可勝數邪然
則豈不可惜也哉而後世學者於去古數千百歲之
後盡紕前代諸儒之論欲以已之私意悉通其說難
矣余既錄為三卷又取其文字不同者具列于卷末

云

堂谿典嵩高山石闕銘

右堂谿典嵩高山石闕銘云中郎將堂谿典伯并熹
平四年來請雨嵩高廟按後漢書靈帝紀熹平五年
復崇高山名爲嵩高山章懷太子注引前漢書武帝
祀中嶽改嵩高爲崇高東觀記曰使中郎將堂谿典
請雨因上言改之復爲嵩高今此文乃熹平四年可
以正漢史之誤又蔡邕傳注引先賢行狀云典字子
度而延篤傳注又作季度今此碑乃云字伯并亦當

以碑爲正、

帝堯碑

右帝堯碑云帝堯者昔世之聖王也其先出自塊隗
翼火之精有神龍首出于常羊又云名紀見乎河雒
爰嗣八九慶都與赤龍交而生伊堯又云侯伯遊於
玄河之上龍龜負銜投鈴受與然後堯乃受命其說
出於讖緯可謂怪妄不經矣堯之所以爲聖者豈假
此而已哉

蒼頡廟碑

右蒼頡廟碑文字殘缺其略可辨者有云蒼頡天生
德於大聖四目靈光爲百王作憲而其銘曰穆穆聖
蒼知爲蒼頡碑也考其歲月蓋熹平六年立

序彰長斷碑

右序彰長斷碑在華陰已斷裂惟存下一段故其姓
名皆亡矣所可見者有云先高祖時以吏二千石自
齊臨菑徙充關中祖字興先爲執金吾弟麀漁陽太
守又云元初元年遭家不造三歲喪父事母有柴頴
之行初仕爲縣主簿功曹郡諸曹史帳下司馬劉君

招命署議曹掾假除百石遷補任尉假印綬守廣平
夏曲陽令庠彰長熹平二年秋七月寢疾不豫寂後
題熹平六年十月九日辛酉造按史記及漢書本紀
高祖九年徙齊楚大族昭屈景懷田五姓關中而其
四姓皆楚人自齊徙者惟田氏爾然則此碑所謂高
祖時自齊臨菑徙者其人必姓田氏也
中然本亦出于田氏也
庠彰東西漢史皆作斥章
按第五氏亦云自齊徙關

梁相費汎碑

右費汎碑在湖州其額題漢故梁相費君之碑碑云

姓苑
不考作
為姓

梁相諱汎字仲慮此邦之人也其先季文為魯大夫
有功封費因以為姓秦項兵起避地于此遂留家焉
余家所收姓氏文字粗備以諸書參考頗多牴牾不
合姓苑云費氏禹後漢有長房蜀志有丞相禕又云
今琅邪亦有此姓音父位反李利涉編古命氏云費
氏出自魯桓公少子季友有勲於社稷賜文陽之田
封邑于費子孫氏焉漢有費將軍其後有費忠費柔
適蜀為寧蜀人忠之孫徙於荊州後遷江夏忠十代
孫奕奕孫禕又家於蜀晉平蜀禕之子承復歸江夏

林寶元之姓
纂

陽湖姓林

林寶元和姓纂云費氏亦音祕史記紂幸臣費中夏
禹之後楚有無極漢有直蜀有禕晉有誨又云琅邪
費氏直之後也陳湘姓林云費氏音蜚夏禹之後余
嘗考之此字有兩姓音讀不同源流亦異其一音蜚
嬴姓出於伯翳史記所載費昌費中楚費無極漢費
將軍費直費長房蜀費禕之徒是其後也其一音祕
姬姓出於魯季友姓死所載琅邪費氏而此碑所謂
梁相費君是其後也然則姓死姓纂姓林皆云夏禹
之後姓纂又云亦音祕及謂琅邪費氏爲直之後皆

其差誤而編古命氏以費將軍費禕之徒出於魯季友亦非也余又按春秋僖公賜季友汶陽之田及費而左傳亦以謂季友有功於魯受費以爲上卿今以爲季文有功封費者蓋碑之誤

堂邑令費君碑

右堂邑令費君碑云惟熹平六年無射之月堂邑令費君寢疾卒嗚呼哀哉於是夫人元弟卜筮追而誄之其後有銘詩碑所述費君事不甚詳悉而其名字世次官秩具載于碑陰今附於後

費君碑陰

右費君碑陰云君諱鳳字伯蕭梁相之元子九

守之長兄也世德襲爵銀艾相亞又云君踐郡右職

三貢獻計漢安二年吳郡太守東海郭君以君有委

蛇之節自公之操年卅一舉孝廉拜郎中除陳國新

平長遂宰堂邑其後為五字韻語詞頗古雅而時時

殘缺不可次叙其前題君甥家中孫其陵石勳字子

才所述云

太尉陳球碑

右太尉陳球碑球有兩碑皆在下邳其一已殘缺此碑差完可考前代碑碣與史傳多牴牾而球碑所載官閥事跡與傳合東漢之末政在閹寺威福下移其勢蓋可畏也而一時衆君子猶奮不顧身力排其姦雖遭屠戮而不悔志雖不就然亦可謂壯哉如球是已使當時士大夫能屈已以事之則富貴可長保矣然君子固未肯以彼而易此也

華嶽碑

右華嶽碑集古錄云碑以周禮職方氏爲識方氏者

疑當時周禮之學自如此蓋識誌其義通也余按袁逢華嶽碑亦引職方氏乃用職字蓋漢人簡質字相近者輒假借用之初無意義爾

太尉郭禧碑

右太尉郭禧碑文字殘缺所存纔百許字其可見者公諱禧字君房而已禧郭躬從孫也其事迹附見躬列傳云少明習家業兼好儒學有名譽延熹中爲廷尉建寧二年代劉寵爲太尉而靈帝紀亦云是年十一月禧爲太尉章懷太子注云字公房扶溝人也郭

氏世爲陽翟人自躬以下皆葬陽翟其墓尚存今此碑缺處猶有陳留扶溝字疑禧嘗寓居是邑其卒也返葬故郡而漢書注遂以爲扶溝人恐誤

郭禧碑陰

右郭禧碑陰其首有四大字云故吏人名其下列故吏密張立度成匡師張恊子道維陽李蒼子考故民河南陰德紀信以下凡百餘人又有右河南右河內郡右弘農郡右扶風字字畫完好者甚多筆法淳古可愛

郭禧後碑

右郭禧後碑，殘缺尤甚，其略可辨者，云惟光和二年夏五月甲寅，太中大夫故太尉郭公薨。又云公之曾子故五原太守，餘不復成文。而其額題漢故太尉郭公神道，字畫尚完。云後漢書列傳，既不載禧所終，而靈帝紀但云建寧三年夏四月，太尉郭禧罷，亦不言其爲何官。今以碑考之，乃知其罷爲太中大夫而卒於光和二年也。五原太守名鴻，後爲司隸校尉，封成安鄉侯。

樊毅西嶽碑

右樊毅西嶽廟碑云弘農太守河南樊君諱毅歐陽
文忠公集古錄云據此碑乃即時所立而太守生稱
諱者何哉按春秋左傳周人以諱事神名終將諱之
而禮卒哭乃諱鄭氏以謂敬鬼神之名也諱避也生
者不相避名衛侯名惡大夫有石惡君臣同名春秋
不非又漢宣帝元康二年詔曰聞古天子之名難知
而易諱也今上書觸諱以犯罪者朕甚憐之其更諱
詢諸觸諱在令前者赦之蓋卒哭而諱其名實始於

周而生死皆稱諱西漢已如此矣然則生曰名死曰諱又出於近世也有以見後世忌諱愈密如此然生而稱諱見于石刻者甚衆不獨此碑也

禹廟碑

右禹廟碑云光和二年十二月丙子朔十九日甲午皮氏長南陽章陵劉尋孝嗣永安定烏氏樊璋元孫其後叙禹平水土之功而最後有銘文多殘缺不能盡識碑在龍門禹廟

冀州從事郭君碑

右郭君碑名字已殘缺其額題曰冀州從事郭君之

碑碑云其先出高辛興自于周

闕一字

蕃虞郭在河魏

之間遭晉荒疆乃喪厥土亦世孳孳職思其勲子孫

纓布家于樂土因國爲氏又云歷郡諸曹掾史主簿

督郵五官掾功曹又云光和二年終三年十月葬又

云哀哀考妣追惟賈靈卜商號咷喪子失明據此乃

父母生而稱考妣也爾雅云父爲考母爲妣郭璞注

引禮記生日父母妻終曰考妣嬪今世學者從之而

璞援據諸書以爲非生死之異稱猶今謂兄爲舅妹

爲媚爾今此碑漢人所爲已不用戴氏之說以此知
璞爲有據然禮經行于世又既有此論事親者所當
避也

逢童碑

右逢童碑刻畫完好云童子諱盛字伯彌薄令之玄
孫遂成君之曾孫安平君之孫五官掾之長子也又
云年十有二歲在協給五月乙巳噓噏不反天墮精
晃於是門生東武孫理下密王升等共刊石叙述才
美以銘不朽焉其後題光和四年四月五日丁卯立

碑

碑舊在濰州昌邑縣近歲移置郡中云、

逢童碑陰

右逢童碑陰題云右家門生右縣中士大夫凡十三人有督郵趙敏賓進后升司文叔盛姓字按進與文姓氏書皆不載今誌于此

穀阮君神祠碑

右穀阮君神祠碑歐陽公集古錄云穀阮君祠今謂之五部神廟其像有石隄西成樹谷五樓先生東臺御史王翦將軍莫曉其義今此碑有云石堤樹谷南

通商雒又云前世通利吏民興貴有御史大夫將軍
牧伯故爲立祠以報其功乃知石堤樹谷御史將軍
之號自漢以來有之流俗相傳其所從來遠矣而水
經鄭縣城南山北有五部神廟廟前有碑光和四年
鄭縣令河東裴畢字君先立又知五部神自齊魏間
已有此號矣裴君水經以爲名畢而集古錄云名暉
今詳其點畫頗近畢字疑集古錄誤

穀阮君神祠碑陰

右穀阮君神祠碑陰縣吏及鄉人題名其完好可識

者二百餘人摩滅者又百餘人小字淳勁可喜歐陽
公集古錄所未嘗有也

無極山碑

右無極山碑按顏之推家訓曰詩云有渰萋萋興雲
祁祁毛傳云渰陰雲貌萋萋雲行貌祁祁徐也箋云
古者陰陽和風雨時其來祁祁然不暴疾也按渰已
是陰雲何勞復云興雲祁祁雲當爲雨俗寫誤爾
班固靈臺詩云習習祥風祁祁甘雨此其證也據此
則本作雲字之推改爲雨耳而陸德明經典釋文亦

云本作興雲非也蓋德明據顏氏說改之故後來本皆作兩今此碑銘文有曰興雲祁祁兩我公田遂及我私乃知漢以前本皆作興雲顏氏說初無所據特私意耳

揚州刺史敬使君碑

右敬使君碑在河東平陽其額題云漢揚州刺史敬君之銘碑已殘缺其名字皆亡略可辨者嘗辟司隸從事又爲治書侍御史最後云年五十三光和四年閏月遭疾而卒其他不復可考按姓苑載風俗通有

敬歆漢末爲揚州刺史元和姓纂亦云歆平陽人而後周書敬珍傳唐書宰相世系表歆皆作韶余後得後魏敬曦造像碑亦作韶乃知姓苑姓纂之謬又集古錄此碑凡再出其一題敬仲碑云名字已糜滅獨首有敬仲字故寓其名爾疑其人姓田也其一題無名碑所載事皆同蓋歐陽公未嘗見額爾

藁長蔡湛頌

右藁長蔡君頌云君諱湛字子德河內脩武人也又云舉孝廉辭讓應司徒府除廣川長復辟太尉熹平

四年六月詔書其下斷缺似是叙述遷藁長及在官政績又云三年遷高邑令吏民追思於是故吏粟尹等相與合會立碑起頌刊斯石焉其後有銘最後題光和四年十二月詔書遷并州刺史其大略如此其他文字殘缺不可考矣

蔡湛碑陰

右蔡湛碑陰載出錢人名有故吏賤民議民故三老故處士義民其稱故吏義民之類他漢碑多有之唯議民賤民獨見于此碑然莫詳其義

安平相孫根碑

右安平相孫根碑，云府君諱根，字元石，司空公之伯子。樂安太守之元子，漢陽太守侍御史之兄，乘氏令之考，厥先出自有殷玄商之系，子湯之苗。又云聖武定周，封干之墓，胤裔分析，避地匿軌，姓曰孫焉。又云遷鄆，長雍奴令，換元氏考，城令，諫議大夫，拜議郎，謁者，遷荊州刺史，徵拜議郎，遷安平相，年七十有一，光和四年十二月乙巳卒。碑在今高密縣，所謂司空公者，桓帝紀求壽三年太常孫朗為司空，注云朗字代。

平北海人。漢三公名亦云。朗北海高密人。余嘗觀漢時碑碣，載其家世，皆止書官爵，蓋爲子孫作銘，不欲名其父祖爾。此最爲得體。然非當代顯人，則遂莫知其爲何人也。又按姓苑，姓纂諸書，皆云孫氏、周文王子衛康叔之後，衛武公子爾爲衛上卿，因氏焉。今此碑乃云出于商比干之後，蓋古人或因賜姓命氏，或以官或以謚，或以封，或以居，或以王父字爲氏，故姓氏雖同，而源流或異，書傳闕漏不載者多矣。

涼州刺史魏君碑

右涼州刺史魏君碑文字殘缺族系名字皆不可考其粗可見者察孝廉除郎中尚書侍郎右丞卒於光和四年而其額題涼州刺史魏君碑云

碭孔君神祠碑

右碭孔君神祠碑其前題漢故行梁相事碭孔君之神祠文詞字畫皆古怪而不工又時有難曉處刻畫甚完孔君者名耽字伯本

成陽令唐君頌

右成陽令唐君頌云君諱扶字正南字畫尚完而歐

閻蔡

陽公集古錄乃云其名殘缺何哉碑額題漢故成陽令唐君之頌在今濮州雷澤縣古成陽也

唐君碑陰

右唐君碑陰載出錢造碑人有故從事故督郵故吏處士門生門童等姓名按唐君碑云處士閻蔡斑等刻石樹頌而碑陰又有故吏閻蔡已處士閻蔡楚閻蔡姓不見于前史而姓苑姓纂之類亦皆不載蓋前代氏族或因改易或寢微不顯遂泯沒而無傳者甚衆今世所有姓氏書類多簡略不完惟時時見于石

刻者余每記之以禪姓氏書之闕云

白石神君碑

右白石神君碑其略云白石神君者居九山之數參
三條之一兼將軍之號秉斧鉞之威體連封龍氣通
北嶽幽讚天地長育萬物觸石而起膚寸而合不終
朝日而澍雨沾洽前後國縣屢有祈請指日刻期應
時有驗猶自挹損不求禮秩縣界有六名山三公封
龍靈山先得法食去光四年三公守民蓋高等始
爲無極山詣太常求法食相縣以白石神君道德灼

然乃具載本末上尚書求依無極即蒙聽許於是遂
開拓舊兆改立殿堂其餘首尾尚皆完好可讀文多
不備載其曰居九山之數參三條之一莫曉為何語
也

幽州刺史朱龜碑

右幽州刺史朱龜碑在今亳州酈道元注水經云渦
水東逕朱龜墓北東南流冢南枕道有碑題云漢故
幽州刺史朱君之碑龜字伯靈光和六年卒官今以
碑考之與道元所載皆合歐陽公集古錄云龜之事

跡不見史傳獨見于碑爾余按後漢書西南夷傳熹
平五年諸夷反叛執蜀郡太守雍陟遣御史中丞朱
龜討之不能克太尉掾李颺建策討伐乃以颺爲益
州太守發板楯蠻擊破平之常璩華陽國志亦載其
事與史同惟史與華陽國志皆言龜不能克而碑云
蠻夷授手乞降二說不同疑碑所書非實錄也

朱龜碑陰

右朱龜碑陰文字殘缺初余讀酈道元注水經云朱
龜碑陰故更名姓多上谷代郡人知此碑有陰因託

街彈

人就毫社摸得之附于碑後

都鄉正街彈碑

右都鄉正街彈碑在汝州界故昆陽城中文字摩滅不可考究其歲月略可見蓋中平二年正月而其額題都鄉正街彈碑莫知其爲何碑也

太尉劉寬碑

右太尉劉寬碑寬有兩碑皆在洛陽上東門外官道傍此碑據藝文類聚乃栢麟撰後碑不知何人所爲然字體則同也

劉寬碑陰

右劉寬碑陰寬兩碑皆有陰此後碑陰也唐咸亨中碑仆于野其裔孫周王記室參軍爽字元爽重為建立寬以中平二年卒據靈帝紀以光和七年十二月改元中平以曆推之是歲甲子至明年當為乙丑而爽書為甲子誤矣

尉氏令鄭君碑

右尉氏令鄭君碑云君子字季宣聘君之孫而其名已殘缺其他字畫時有可識處皆斷續不成文理略可

見者年五十有七卒于中平二年而碑陰題尉氏故吏處士人名知其為尉氏令爾

趙相劉衡碑

既云德字元宰而曰劉衡仍也

右趙相劉衡碑云君諱德字元宰濟南東平陵人也厥先尚矣聖漢龍興其下殘缺又云爰啓異土遷于岱陰自康侯以來奕世丕承又云敦海王帝之冢第不遵憲典君以特選為郎中令以兄琅邪相憂即日輕舉州察茂材除脩令遷張掖屬國都尉以病徵拜議郎遷東東上關一字屬國都尉不行拜趙相在位三歲

拜議郎年五十有三以中平四年二月戊午卒其四月已酉葬其餘文字完好者尚多按後漢書敦海王名悝相帝弟也衡墓與碑在今齊州歷城縣界中古平陵城傍余嘗親至墓下觀此碑因模得之墓前有石獸制作甚工云

陳君碑

右陳君碑文字殘缺不完其略可識者云君諱度字妙高陳國相人又云武王克商封先代之後以元女大姬配胡公至厲公生公子完奔齊其後斷續不復

成文而最後題中平四年九月廿一日己丑立云

陳仲弓碑

右陳仲弓碑其額題云漢文範先生陳仲弓之碑碑文已漫滅蔡邕字畫見於今者絕少故雖漫滅之餘尤爲可惜以校集本不同者已數字惜其不完也按邕集仲弓三碑皆邕撰其一碑云中平三年秋八月丙子卒三碑皆云春秋八十有三後漢書仲弓傳以爲中平四年年八十四卒于家者疑傳誤

陳仲弓碑陰

右陳仲弓碑陰故吏姓名多已刊缺。蔡邕小字八分
惟此與石經遺字爾。石經字畫謹嚴。而此碑尤放逸
可愛。

隸釋卷第二十五

嘉禾元集卷之三

嘉禾元集卷之三

嘉禾元集卷之三

嘉禾元集卷之三

嘉禾元集卷之三

嘉禾元集卷之三

嘉禾元集卷之三

嘉禾元集卷之三

嘉禾元集卷之三

隸釋卷第二十六

趙氏金石錄下

陳仲弓壇碑

圍令趙君碑

周公禮殿記

巴郡太守樊君碑

綏民校尉熊君碑

司空宗俱碑

馮使君墓闕銘

高陽令楊君碑陰

浚儀令衡君碑

光祿勳劉曜碑

張侯殘碑

荊州從事苑鎮碑

趙相離府君碑

三公碑

酸棗令劉熊碑

臨朐長仲君碑

司空殘碑

益州太守楊宗墓闕銘

益州刺史薛君巴郡太守劉君碑

巴郡太守張君碑

禹廟碑

禹廟碑陰

武氏石室畫像

戚伯著碑

四皓神位刻石

相府小史夏堪碑

郭先生碑

名韜

魏大饗碑

魏孔子廟碑

范式碑

魯

國

陳仲弓壇碑

隸

金

下

右陳仲弓壇碑其額題故太丘長潁川陳君壇其他文字摩滅不可盡識按蔡邕集有仲弓三碑以集本校之此碑非邕撰者然字畫亦竒偉惜其殘缺不完也

圍令趙君碑

右圍令趙君碑其額題漢故圍令趙君之碑而最後題初平元年十二月二十八日立碑已訛缺名字皆不可考所可見者有云郡仍署五官掾功曹州辟從事司徒楊公辟遷圍令播德二城風曜穆清被疾去

官年六十有八以中平五年冬十一月卒後有銘詩
特完好其辭云天寔高惟聖同戲我君羨其縱體弘
仁蹈中庸所臨歷有休功追景行亦難雙刊金石示
萬邦其詞頗爾雅故錄之

周公禮殿記

右周公禮殿記者今成都府學有漢時所建舊屋柱
皆正方上狹下闊此記在柱上刻之靈帝初平五年
立距今蓋千年矣而字畫完好可讀當時石刻在者
往往摩滅此記託于屋楹乃與金石爭壽亦異矣記

有云甲午年故府梓潼文君增造吏舍二百餘間按
華陽國志有文參字子奇梓潼人平帝時用爲益州
太守不從王莽公孫述光武嘉之疑此記所載即其
人也蓋光武建武十年歲次甲午云

巴郡太守樊君碑

右巴郡太守樊君碑云君諱敏字升達肇祖宓戲遺
苗后稷爲堯種樹舍潛于歧天顧亶甫乃萌昌發周
室衰微霸伯匡弼晉爲韓魏魯分爲楊充曜封邑厥
土河東楚漢之際或居于楚或集于梁君續其緒華

上卷
前碑文作題

四後六字曰題
昂題詞

南西曷又云總角好學治嚴氏經貫穿道度無文不
 睹於是國君備禮招請濯冕題冠傑立忠蹇有夷史
 之直卓密之風鄉黨見歸察孝除郎永昌長史遷宕
 渠令大將軍辟光和之末京師擾攘雄狐綏綏冠履
 同囊投核長驅畢志枕丘國復重察辭病不就再奉
 朝聘七辟外臺常為治中諸部從事又云季世不祥
 米巫凶瘡姦校並起諂附者衆君執一心賴無汙恥
 復辟司徒道隔不往牧伯劉公表授巴郡以助義都
 尉養疾閭里又行褒義校尉年八十有四歲在協洽

紀驗期臻奄忽感形其後有銘取後題建安十年二
月上旬造他漢碑類多刊缺而此碑獨首尾完好故
載其大略于此米巫凶瘡者謂張魯也

綏民校尉熊君碑

右熊君碑其名字皆殘缺其額題漢故綏民校尉騎
都尉桂陽曲江灌陽長熊君之碑初余得桂陽太守
周君碑陰據水經注以爲曲江漢時本名曲江今此
碑及額亦皆作紅乃知酈道元爲有據也

司空宗俱碑

右司空宗俱碑云公諱俱字伯儷南陽安衆人也而其額題漢故司空宗公之碑按後漢書宋均傳均族子意意孫側靈帝時爲司空余嘗得宗資墓前石獸膊上刻字因以後漢帝紀及姓苑姓纂等諸書參考以謂自均而下其姓皆當作宗而列傳轉寫爲宋誤也後得此碑益知前言之不謬碑以殘缺不成文理而官秩姓名鄉里特完可考故詳著之

馮使君墓闕銘

右馮使君墓闕銘云故尚書侍郎河南京令豫州幽

州刺史馮使君神道按漢書馮緄傳緄父煥安帝時
爲幽州刺史而緄碑亦云幽州君之元子此字在宕
渠緄墓前雙石闕上知其爲煥闕也

高陽令楊君碑陰

右高陽令楊君碑陰歐陽公集古錄云余家集錄得
楊震墓域中漢碑四震及沛相繁陽高陽令碑并得
碑陰題名然得時參錯不知爲何碑之陰也集古所
有余盡得之又各以碑陰附于碑後其曰懷陵園令
蔣禧字武仲者沛相碑陰也其曰故吏故民故功曹

史故門下佐者繁陽令碑陰也其曰右後公門生右沛君門生者高陽令碑陰也

浚儀令衡君碑

右浚儀令衡立碑云君諱立字元節其先出自伊尹而其銘曰於穆從事歐陽公集古錄號爲元節碑且云疑其姓伊而爲從事也今碑首尚完題浚儀令衡君之碑蓋漢時石刻其官爵姓氏既載于額則其下不復更著苟文已殘缺又不見其額則遂難考究矣立與衛尉卿衡方墓皆在今鄆州中都方碑亦云其

先伊尹號稱阿衡因以氏焉

光祿勳劉曜碑

右光祿勳劉曜碑集古錄云君諱曜字季危年七十
三其餘爵里官闕卒葬歲月皆不可見今此碑雖殘
缺然尚有可考處蓋孝文之裔又嘗爲太官令郎中
居延都尉太宗正衛尉遂爲光祿勳至於卒葬年月
則斷續不可考矣

張侯殘碑

右張侯殘碑張侯者子房也碑已斷裂糜滅不可次

叙獨其額尚完題漢故張侯之碑在今彭城古留城
子房廟中驗其字畫蓋東漢時所立樂史寰宇記陳
留縣有張良墓引城家記云張良封陳留侯食邑小
黃一萬戶漢爲良築城因名張良城今陳留有子房
廟廟貌甚盛余按西漢書地理志注留屬陳故稱陳
留宋亦有留彭城留是也子房傳曰始臣起下邳與
上會留臣願封留足矣下邳與彭城相近而此碑漢
人所立乃在彭城然則子房所封非陳留明矣城家
記誕妄蓋不足信也

荊州從事苑鎮碑

右苑鎮碑其略云漢故荊州從事苑君諱鎮字仲子南陽人也其先出自苑柏何爲晉樂正世掌朝禮之制又云有苑子園寔能掌陰陽之理即其胄也按姓氏書皆云苑氏出于左傳所載齊大夫苑何忌之後今此碑所謂苑柏何與子園左傳國語皆無其人故錄之以待知者

趙相雖府君碑

右趙相雖府君碑其前歷叙家世官爵而所述雖君

事甚略云趙國相名勸孝廉成臯令趙國相又云在
 官五載莅政清平有甘棠之化年卅五卒于官故吏
 民漢中太守邯鄲某等其名殘缺慕戀恩德刊石稱頌焉
 又有闕銘題漢故趙國相離府君之闕云

三公碑

右三公碑歐陽公集古錄有北嶽碑云文字殘缺尤
 甚其可見者曰光和四年以此知為漢碑爾其文多
 言珪幣牲酒黍稷豐穰等事其後二人姓名偶可見
 云南陽冠軍馮巡字季祖其陵夏方字伯陽余嘗託

人於北嶽訪求前代刻石幾盡獨無漢碑今此碑所
書事及二人姓名與集古所載皆同又光和四年立
惟其額題曰三公之碑而集古以爲北嶽碑豈歐陽
公未嘗見其額乎三公者山名其事亦載于白石神
君與無極山碑三山皆在真定元氏云

酸棗令劉熊碑

右劉熊碑在今酸棗縣云君諱熊字孟孟下闕一字
按酈道元水經酸棗城內有漢縣令劉孟陽碑今據
碑熊實爲此縣令然則所闕一字當從水經爲陽也

碑文云君光武皇帝之玄孫廣陵王之孫余鄉侯之季子也按後漢書光武子廣陵思王荆以譴死顯宗封其子元壽爲廣陵侯又封元壽弟三人皆爲鄉侯而李利涉編古命氏唐書宰相世系表皆云荆生俞鄉元侯平平生彪襲封今據熊當爲彪之弟然則於光武乃其曾孫而曰玄孫者疑碑誤

臨朐長仲君碑

右臨朐長仲君碑文字摩滅其粗可考者云君諱惟又云歷郡五官掾功曹史辟從事舉孝廉除郎中遷

臨胸長而其額題故臨胸長仲君碑云

司空殘碑

右司空殘碑政和乙未歲得於洛陽天津橋之故墓首尾已不完所存四十五字字畫竒偉其詞有云命爾司空余回爾輔據此乃嘗爲三公蓋當時顯人惜其不見名氏也碑陰有故吏題名百餘人尤完好筆法不減蔡邕石經云

益州太守楊宗墓闕銘

右楊宗墓闕銘在蜀中凡十六大字云漢故益州太

回

守楊府君諱宗字德仲墓闕汶陽李長茂爲蜀使者
罷歸以此本見遺長茂名公年東州善士以畫山水
著稱者

益州刺史薛君巴郡太守劉君碑

右薛君碑已斷裂不完惟存上一段而比額尚全題
漢故益州刺史中山相薛君巴郡太守宗正卿成平
侯相劉君碑古無兩人共立一碑者惟見于此爾

巴郡太守張君碑

右巴郡太守張君碑其前題巴郡太守都亭侯張府

君功德叙云君諱訥字子郎勃海南皮人也又云炎漢龍興留侯維幹枝裔滋布竝極爵秩又云察孝除郎中尚書侍郎遷甘陵寃句令親病去官辟司空司徒府復辟太尉舉高第拜侍御史揚州寇賊陸梁作難五府表君中丞督捕又云丙子璽書封都亭侯碑無卒葬年月其後頗叙述政績而繫以銘詩蓋巴郡太守德政碑爾按漢史自安順以來揚州寇賊屢發不知張君爲中丞督捕在何年也

禹廟碑

右禹廟碑字畫淺細故摩滅尤甚其事跡歲月皆不可考略可見者云皮氏長安定蘇而名字亦不能辨矣

禹廟碑陰

右禹廟碑陰自侯長汾陰趙遺子宣而下凡數十人姓名官爵具存又有故督郵曹史縣功曹鄉部吏柏昱等人名最後有龍門復民廿五戶人名在今龍門禹廟殘碑之陰而集古錄云在閩鄉楊震墓側又云楊氏子孫當時皆葬閩鄉碑碣往往摩滅此不知爲

誰碑者蓋誤也

武氏石室畫像

右武氏石室畫像五卷武氏有數墓在今濟州任城墓前有石室四壁刻古聖賢畫像小字八分書題記姓名往往爲贅于其上文詞古雅字畫遒勁可喜故畫錄之以資博覽

戚伯著碑

右戚伯著碑首尾摩滅其略可見者有云克列王室遇謗于呂委位抑爵而其額題周末嗣戚氏襲以興

勃海君玄孫伯著之碑知其姓氏戚以文詞字畫驗之疑東漢中葉以前人蓋當時石刻見于今者多類此所謂充列王室遇謗于呂者戚夫人也

四皓神位刻石

右四皓神位神胙几刻石四在惠帝陵傍驗其字畫蓋東漢時書按顏師古匡謬正俗引圜稱陳留風俗傳自序云圜公之後圜公爲秦博士避地南山漢祖聘之不就惠太子即位以圜公爲司徒自圜公至稱十一世按班固述四皓但有園公非圜公也云當秦

之時避地入商洛深山則不爲博士明矣。漢初不置司徒。安得以圜公爲之乎。稱之說實爲鄙野。余嘗疑稱著書自述其世系不應妄誕如此。及得四皓刻石見其所書亦爲圜公。乃知稱所述果非臆說。蓋當時所傳如此爾。至謂圜公爲秦博士及惠帝時拜司徒者疑無所據。

相府小史夏堪碑

右相府小史夏堪碑云。夏堪字叔德。帝禹之精苗。零陵太守之根嗣也。後有銘銘三字。語頗古。其卒葬年

月殘缺字雖不工然漢碑也其曰精苗根嗣漢末人
爲文喜造語多類此

郭先生碑

右郭先生碑集古錄以爲漢碑按後魏酈道元注水
經具載此碑云碑無年號不知何代人然則歐陽公
何所據遂以爲漢人乎余以字畫驗之疑魏晉時人
所爲既無歲月可考姑附于漢碑之次云

魏大饗碑

右魏大饗碑按魏志文帝以建安廿五年嗣位爲丞

相魏王改元延康夏六月南征秋七月甲午軍次于
譙大饗六軍及譙父老今以碑考之乃八月辛未蓋
魏志誤也是時丕爲丞相漢獻帝猶在位雖政去王
室已久然操之死纔數月爾丕軍次舊里初無念親
之心方與群臣百姓置酒高會大設伎樂而臣下又
相與伐石勒詞夸耀功德更以夏啓周成漢高祖光
武爲比豈不可笑也哉

魏孔子廟碑

右魏孔子廟碑按魏志文帝以黃初二年正月下詔

以議郎孔羨為宗聖侯奉孔子之祀及令魯郡脩舊廟今以碑考之乃黃初元年又詔語時時小異亦當以碑為正

范式碑

右范式碑法書要錄云蔡邕書今以碑考之乃魏青龍三年立非邕書也

有錄無說者

章和石記

章和二年

定室銘

永建元年

河東地界石記

延熹四年

堵陽長謁者劉君碑

建寧元年

仲君碑 建寧五年

郎中王君碑 光和元年

南武陽墓闕銘 元和三年

頻陽令宋君殘碑

陽都長徐君冢闕銘

魯相謁孔子碑

張公廟碑

逢君殘碑

山陽卒史司馬留碑

首山復民碑

首山復戶姓名

鍾君碑

史晨孔廟碑 建寧元年四月

史晨孔廟後碑 建寧二年三月

孔德讓碣

樊安碑

韓府君孔廟後碑

韓府君孔廟後碑陰

孫叔敖碑

桐栢廟碑

祝睦碑

祝睦後碑

堯廟碑

堯廟碑陰

張壽碑

張表碑

劉脩碑

北軍中候郭君碑

郝閣頌

婁壽碑

繁陽令楊君碑

楊君碑陰

陳球後碑

陳球碑陰

西嶽復民賦碑

郭寃碑

劉寬後碑

劉寬前碑陰

譙敏碑

武榮碑

楊震碑

楊震碑陰

高陽令楊君碑

楊君碑陰

高君墓闕銘

武陰令高君墓闕銘

富春丞張君碑

不其令董君闕

仙人唐君碑

督郵斑碑

殘碑四

韓明府孔廟碑陰

沛相楊君碑陰

李翕碑陰

孔彪碑陰

靈臺碑陰

帝堯碑陰

郭禧後碑陰

孫根碑陰

尉氏令鄭君碑陰

綏民校尉熊君碑陰

宗俱碑陰

劉熊碑陰

司空殘碑陰

右趙氏金石錄三卷趙君名明誠字德夫密州諸城人故相挺之之子也所藏三代彝器及漢唐前後石刻爲目錄十卷辨證二十卷其稱漢碑者百

七十有七其陰四十今出其篆書者十四

張平子碑後碑

殘碑山陽麟鳳贊宗資墓天祿辟邪字琅邪相王

君墓闕銘逢府君墓石柱文永樂少府賈君闕銘

蜀郡太守任君神道蜀郡都尉王君神道小黃令

闕南陽太守秦君碑額河南尹蘇君碑額司空掾

陳君碑額

非東漢者二
車騎將軍闕銘
膠東令廟門碑
隸釋所闕者蓋

未判也掇其說載之趙君之書證據見謂精博然

以衛彈為街彈以縣竹令為縣令之類亦時有誤

者紹興中其妻易安居士李清照表上之趙君無

嗣李又更嫁其書行於世而碑亡矣

隸釋卷第二十六

卷第二十六

嗚呼哀哉其書行於世而野矣

嗚呼哀哉其書行於世而野矣

嗚呼哀哉其書行於世而野矣

嗚呼哀哉其書行於世而野矣

嗚呼哀哉其書行於世而野矣

嗚呼哀哉其書行於世而野矣

嗚呼哀哉其書行於世而野矣

嗚呼哀哉其書行於世而野矣

隸釋卷第二十七

天下碑錄

漢陳留太守程封碑

在開封府封丘縣東二里墓下

漢酸棗令劉熊碑

在本縣古城內按其文熊字孟陽仕酸棗令百姓刻石紀績有陰記

立碑故吏姓名

漢執金吾高裒碑

在雍丘縣南五十里善鄉墓下

漢太尉高峻碑

在雍丘縣

漢三老袁良

一作貢碑

在太康縣圍城鎮西南三十里扶樂城石牛廟又云在縣西北

三十里陽夏鄉墓下永建六年卒葬于此

漢袁騰碑 貢之中子也
在太康縣

漢西平令楊期碑 在尉氏縣西南四十里三亭鄉楊
方村墓南二十步文字摩滅唯有

首尾

漢征西大將軍楊瑾碑 在尉氏縣三
亭鄉路村

漢邊韶碑 在開封縣東北五里
墓前蔡邕所書今亡

漢邊讓碑 在開封縣

漢董襲碑 在開封縣
東北墓前

魏隱士程冲碑 在封丘縣按程隱君墳在
縣西南四里碑當在墓下

魏酸棗令毋丘悅碑 在本縣廢縣內按其文悅字抱
僖魏正元年三任酸棗令民為

立碑

魏征虜將軍南州刺史王賢思碑

按圖經賢思名亮碑在雍丘縣北五

十里義縣

鄉墓下

魏御史大夫袁渙碑

在太康縣

魏鍾繇碑

在尉氏縣西北三十里蔣城鄉高蕪村今割屬中牟按中牟圖經云鍾城在尉氏西

北三十五里有鍾繇古碑斷折文字磨滅

魏何伯申碑

在陳留縣東三十五里

魏徐州刺史韓陵碑

在東明縣南二十里

漢八都神廟碑

在鎮州元氏縣西北二十里廟壇下光和中立

漢封龍山碑二

在獲鹿縣南四十五里山上延熹七年立

漢藁城縣長蔡湛碑

在本縣西二十五里光和四年立

漢無極山碑

在元氏縣西北十里毋極山下建安四年立

漢無極山神廟碑

光和四年

漢上谷太守張祚碑

在定州安喜縣東六里

漢孝子王立碑

在安喜縣東三十里

魏中山太守常通碑

在州城西北三里

漢北嶽碑

漢敏鼎碑

在冀州

漢熊敏碑 在秦強縣 碑門入立於墓前

漢賈敏碑 在秦強縣東 碑刻於東 北三十里 當山太寺 鼓

漢張公神碑 在通利軍衛 縣和平元年

漢李固碑 在懷州山 陽城內

漢劉班碑 魏文帝為兖州刺史封為白 馬侯在澶州縣三十里墓下

漢左伯桃碑 在安肅軍安肅縣 西十五里墓前

魏張文簡碑 在湯陰縣 西一百步

魏劉盆碑 在祁州梁澤縣正 華州華金嶺 始二年立 在墓側 魏表 惠 德 重 立

漢蘇武功碑 在京兆府武 功縣墓下

漢太守樊演碑

在河中府臨晉縣內墓前

漢乞復華下民租田筭狀

樊毅奏唐盧倣重立
在華州華陰嶽廟內

漢司徒劉奇碑

在華陰縣

漢西嶽華山亭碑

樊毅光
和元年在華陰縣

漢西嶽華山廟碑

并陰在華陰縣墓下
袁逢延熹四年為白

漢劉黨碑

在華陰縣墓
下文字摩滅

漢殺坑君神祠碑

裴羸君光
立在華州

漢石闕銘

永和元年常山太守造
在華州華陰祠後苑中

漢太尉楊震碑

在閩鄉縣西十五里以
來孫沛相統門人立在墓前

漢高陽令楊君碑 門人立 在閔鄉

漢繁陽令楊君碑 故吏立在閔鄉墓 前富波君少子

漢金城太守楊統碑 在閔鄉 墓前

漢李翕碑 在成州崖石上字皆完好有甘露白鹿 黃龍連理木四物圖記李翕之政治也

漢郭有道碑 在太原府平晉縣蔡 邕文并書在龍泉側

魏馮勅碑 在潞州上黨 縣南墓下

魏陸嚴碑 在上黨縣 西墓下

魏并州刺史王垣碑 在絳州絳縣東 南二里墓旁

漢敬歆碑 在正平縣北 二十里墓側

漢郭林宗碑 在汾州介休縣墓側

魏車騎將軍穆祚碑 在介休縣南墓下

漢山陽太守祝睦碑二 在應天府虞城縣東二里

漢丁儀碑 在虞城縣墓前

漢陽翟令許叔臺碑 在柘城縣西南光和中立

漢兖州從事丁仲禮碑 在楚丘縣北三里

漢太尉掾橋載碑 在宋城縣五里

漢繹幕令碑 在宋城縣東

漢橋玄碑二 在宋城縣漢朝羣儒感橋氏德行之美乃共立碑一故吏司徒博陵崔烈立一

今隴西枹
罕等立

漢慎令劉君碑

在穀熟縣門外夫子廟中

漢樂陵令太尉掾許嬰碑

在杯城縣西南

漢光祿勳劉曜碑

并陰在鄆州項城縣

漢彭府君碑

在中都縣

魏兗州刺史李伯茂碑

在曹州

漢帝堯碑

在濟陰縣

漢堯祠祈雨碑

在濟陰縣

漢堯母碑

在濟陰縣

漢劉熙碑 在徐州蕭縣二十五里

漢袁安碑 在子城南門外百步

漢高祖感應碑 在豐縣北延熹十年豐令劉豐立

魏樂安長劉世碑 在彭城縣北

魏羊續碑 在兗州

漢御史大夫鄭君碑 在龔丘縣墓下

漢司徒吳雄等奏孔子廟置卒史碑

漢魯相晨等奏出王家穀祠孔子廟碑 在仙源縣建寧二年

魏封議郎孔羨為宗聖侯碑 曹植文梁鵠書黃初元年

漢泰山都尉孔宙碑

在仙源縣墓前

漢孔庖碑

在仙源縣

漢碑

永壽三年故婺州從事孔君德於孔子墓祠壇前立在仙源縣

漢孔謙碑

漢司農孔峽碑

在仙源縣墓前

漢尚書郎河東太守孔宏碑

在仙源二碑並建寧元年

漢御史孔翊碑

在仙源縣墓前

漢博士孔志碑

在仙源縣孔子墓東

漢魯相韓勅修孔子廟碑

在仙源縣

漢魯相韓勅復顏氏繇發碑永壽二年

漢尊士倪壽碑在仙源縣南七十步魯城內

漢竹邑侯相張壽碑在單州成武縣城內墓南

漢俠伯咸碑在單父墓前建寧中立

漢廬江太守范式碑在濟州任城縣西南四十里大頂山南

漢中郎王政碑在任城縣墓前

漢司隸校尉魯峻碑蔡邕書在任城縣墓前

漢少傅何君碑在任城縣墓下

漢執金吾武榮碑在任城縣墓下

漢古司馬城鐵碑 在金鄉縣東南四十里云漢浮陽侯司馬擢所封邑

魏太尉滿寵碑 在金鄉縣墓前

漢景君碑二 題云漢故謁者景君益州太守景君碑在任城縣十里

漢馬援廟碑

漢馬江碑

漢御史大夫邾慮碑 鍾繇書在墓前

漢童恢墓雙石闕字 在任城縣南七里一云漢故不其令童君一云童恢琅邪人

魏金鄉令徐公碑 在任城縣景明一年

漢麟鳳碑 在州衙

漢費令田君德政碑 在沂州

漢童子逢盛碑 在濰州俗云董孝碑

漢孫嵩碑 在密州安丘縣西四十里冢前

漢安平相孫君碑 在高密縣西南五十里

魏管寧碑 在安丘縣西南五十里冢前

魏邴原碑 在安丘縣西南四十里墓前

魏孫炎碑并妻碑 在長山縣西南三十里長白山東甘露五年

漢太尉劉寬碑二 在河南府上東門弓手營內門生故吏各一井碑陰

漢石經 尚書論語公羊傳卷同惠臨代博思在張奎龍圖冢

漢司徒掾梁君碑 在襄州穀城縣東四里
建安廿七年文字磨滅

漢玄儒先生婁壽碑 在乾德縣
勅書樓下

漢山陽太守碑 在穀城縣西一里古
筑城東文字磨滅

郭輔先生碑 不知
時代

漢筑陽侯相景豹碑 在穀城縣
西一里

漢侍中王逸碑 在宜城縣
南三里

漢南陽太守秦君碑 在宜城縣熹平年
立惟碑首篆字全

漢南陽太守秦君碑 在鄧州南陽縣
字滅惟碑首存

魏葦陵太守呂君碑 在南
陽縣

魏受禪碑

在穎昌府臨穎縣魏文帝廟梁鵠書

漢僕射荀公碑

在長社縣東北十里墓前磨滅

漢司隸從事郭君碑

在孟州濟源縣

漢北軍中侯郭君碑

在濟源縣

漢光武皇帝碑

在汝州汝噴鎮

漢封觀碑

在項城墓前

漢蔡昭碑

在隨州光化縣墓前

漢桐栢神碑

在唐州延熹中

漢中常侍樊安碑

在縣南門外二里許道側

漢中常侍曹騰碑 在亳州

漢老子銘 在衛真縣太清宮 邊韶文蔡邕書

魏大嚮碑 在譙縣 魏文帝廟有陰梁鵠書 圖經云曹子建文鍾繇書 延康元年

漢幽州刺史朱龜碑 在譙縣墓下

玄孫伯著碑 在宿州

漢楚相孫叔敖碑 在光州固始縣西南本廟內

漢秦始皇碑 東海相任恭修理祠於碑背刻在朐山

漢東海祠碑 永壽元年東海相栢君

漢堂邑令費君碑 在湖州云烏程并陰

漢梁相費君碑

在州衙
字仲慮

漢羅訓墓誌

在衡州未陽
縣南六十里

漢南昌太守谷所碑

在未陽縣
東北

漢青州刺史劉焉碑

在未陽縣十
五里墓下

漢胡騰碑

在未陽縣
南四里

漢羅含誌

在未陽縣
南四里

漢桂陽太守周使君碑

在韶州樂昌
縣郭倉文

漢周公禮殿石楹記

在成都府初平
五年鍾會書

漢楊侯伯墓碑

在犀
墓北

漢王稚子墓闕文

在新都縣

漢析里橋郝閣頌

在漢州建寧五年仇子長書名緋在什邡縣

漢廣漢太守沈子瑜碑

碑云熹平五年綿竹立

漢馬融墓碣

在什邡縣字有磨滅今亡

漢嚴君平廟前碑二

在綿竹縣文字磨滅

漢上庸長闕文

在德陽縣靈龜鎮

漢刺史李頊碣

在綿州巴西縣今在開元寺文字磨滅

漢張翼碣

在州東四十步

漢中令楊暢墓碑

在嘉州夾江縣東南古賢鄉

漢仙人唐公昉碑

在興元府

漢沛相劔門范皮墓闕文

在劔州梓潼縣東墓前字不甚多記名目而已

漢趙國相雍勸墓石闕文

在梓潼縣東二里墓前

析里橋閣碑

在興州州衙有三段并首

漢王褒墓碑

在資州資陽北二十五里墓前文字磨滅

右天下碑錄凡十卷近世不知作者所載多唐人

碑今刪取其東漢者著于篇魏碑十數予所未見

者亦附焉姓名舛錯者悉存其故其所謂漢或有

三國之漢與五胡之漢者其所謂魏疑亦有元魏

者非得碑不能區別也它日中原復爲王土則志
古之士可以按圖而求之



隸釋卷第二十七終

萬曆戊子余爲廣陵守偶得隸識一集
于真州僧舍乃寫冊也或曰此元人手
抄亡其姓氏余素未覩此集詢之博雅
者皆云坊肆間並未刊布余因命工依
宋板字梓之以與好古者共覽焉

隸釋六冊王氏依元抄本精刻舊存海豐張氏張之
先宦晉時諸富室之贈攷丁氏輯傅氏年譜徵君初名
鼎臣後易名山父子學行高一世精篆隸書當日游
跡半天下於碑刻多目擊而手摹之宜足徵也以書
雖其隨時校讎與攷據家有異問世之著不同然
頗資問奇式古之助書勢尤雋古可貴未敢輕易其
裝什襲之憾之以貽後之賢者固安劉峙識昔歲
徵君又有水經注攷釋係用嘉靖黃氏刊本皆平生足
跡所歷覽其名蹟訪之時獻証諸往籍著錄成書殆非



近代考據家僅藉陳編古籍互証旁推以為作者字勢
 隸古有過是編詢皆來自晉中惜已佚其半矣旅居蕭
 索無力購藏中心歎然今不知散逸誰氏矣茲幸是編
 之存又得集古好文者為之付印以廣其傳適與吾摯
 輯舊聞貽資後賢之私衷有相駁愜斯亦差足自慰也哉
 吏部待發漢藏於後乙亥三春淡七日周安劉時肯客



[Faint bleed-through text from the reverse side of the page, including characters like '集古' and '待發']

跋

右明王雲鷺刊本卷中玄朗弘匡胤貞勗讓桓完慎字偶闕末筆慎字並注犯御名此必自宋刊洪氏原刊傳錄乾隆時汪日秀據傳是樓抄本覆刻其序言較之明季鏤版大相逕庭所謂明季鏤版當卽是本黃堯圃得崑山葉氏舊抄本借袁氏錢氏兩抄本補完勘正復以婁彥發漢隸字源訂其異同撰爲刊誤謂文惠原書字體纖悉依碑汪本則失之遠汪氏序稱馮緄碑補三十字孫叔敖碑補三十八字惟黃氏則謂洪書板本損壞他本有字者後來掇拾補苴依之屢入實誤黃氏此語蓋爲王本張目然余嘗見常熟瞿氏所藏明人抄本卷第六七末均有泰定乙丑甯國路儒學重刊一行半葉十行行二十字其避宋諱與王氏刊本正同而二碑闕文具存黃氏謂洪本損壞語似

未確按王本半葉九行行二十字卷六從事武梁碑所闕適當
泰定本第三十二葉卷十九魏公卿上尊號及魏受禪表之錯
簡亦適爲泰定本之第七八九葉王本卷末自識謂得元人手
抄蓋必與泰定本同出一源故前後如此相合特不知抄者何
以改半葉十行爲九行致王氏暗蹈其覆轍耳元本不可得卽
明刻本在今日亦至罕覩余嘗取此濟陰太守孟郁修堯廟碑
帝堯碑與汪本互校則刊誤所指之字兩本俱誤者凡二十四
字汪誤而此不誤者亦二十四字知是本猶去古未遠也全書
經傅青主點校傅爲清初大儒閻潛邱稱其長於金石遺文之
學全謝山撰傅氏事略亦稱其工書自大小篆隸以下無不精
王本雖有疵類得傅氏手校而轉增其價值卷六脫文卷十九
錯簡傅氏均已校出其他闕佚余亦各據泰定本寫補有不宜

寫注者或與泰定本異同者別撰校記附後余輩生古人後得見傅黃二氏未見之書能不與讀者共相慶幸乎海鹽張元濟

隸釋校改字表

本書原刻誤字經傅氏校改致字跡模胡不易辨認列表附後以便

讀者

卷次 葉次 行次 原文 校改

一 二十三 前五注 玄闕二 二校作一

二 二十五 前四注 夢即薦字 夢校作薦

二 三 前一 女陽入 入校作人

十二 前七 中凶 凶校作凶

十五 後二 田禱元明 田校作田

三 一 後五 周太史儋 儋校作儋

二 二 後九 所致 致校作致

三 三 後五 中帝侍 帝校作常

十六 後三 凶闕 窮窳

凶校作凶

四 六 前二 亦見鄭閣碑

鄭校作鄭汪本作鄭

三 八 前八 云危就安

云校作去

五 四正 前六 石尉元

石校作右

七 前六注 宰即字字

即字校作即字

十二 後九注 責耶墳字

耶校作即

十八正 前五新 荆生兪卿侯乎

乎校作平

六 十六三 後三新 脩馨秋

馨校作馨

廿一 前六 喚舌

喚校作喚

廿一 前一 寵台印紱

台校作白

七 本書十二正 前四正 守往陽相 往校作柱汪本作柱

十三 前一注 續

校作續

十五 前七 李溫家

家校作家

前九注 溢字

溢校作諡

十九 前八 邁昧

昧校作戾

八 二 後九 高朗神武

朗校作朗

四 後一 高朗

朗校作朗

六 後五 君叡精謙畧

畧校作畧

九 前五 儁倍追歿

儁校作儁

十五 前五 傅昌長

傅校作博

十八 前三注 以肴爲文

文校作爻

折卽拯字

折校作拊

九 三 後五注 效字

字校作字

四 前八注 禍夫

夫校作央

四 前九注

禍歿

歿校作殃

闕即闕字

闕校作闕

二十三 前二注

以辟為叶

叶校作辟

十 前七

右今人表

右校作古

十一 前三

聖瓦

瓦校作武

十七 後六

姐戚

姐校作姒

十一 後八

驛昔剗

昔校作音

十二 後二注

燂思

燂校作覃

後三注

領即顧字

領校作顧

十三 前七

怗恒

恒校作怗

十二 前一

靖供

供校作供

十一 後一

尙墨

尙校作衆

十二 前七注 夫卽才字

夫校作才

十四 二 前六注 孔作人

人校作义

四 後二 堂谿與

與校作典

九 前二 漢汪引

汪校作注

十五 三 前二 搗縣

縣校作殷

八 後三 氷田

田校作由

十 後八 今廣延

今校作金

十六 四 後五 子案任城

子校作予

十九 十八 後五 澄之

澄校作證

二十一 二十 後九 順帝莫曉其義

帝校作弟

二十四 後二 斷續

續校作續汪本作續

三十 後九 因略言

略校作畋

二十四 九

後三

遺騰之國詔書

遺校作遣

十四 四

後二

范華

華校作曄

二十三 二

後二

繫破郡賊

繫校作擊

十八

前正

繫二人

繫校作擊

十四

前正

手案出狀

手案前正

十七

前六

今遺五

今遺前金

八

前三

來山

田與前由

十三

前二

書編

編對前類

六

前二

對五

對對前五

四

前二

堂錄典

典對前典

十四

前六

其前八

大對前八

十二

前于

夫前本字

夫對前本

隸釋校勘記

卷次 葉次

行次

本書

鈔元本立闕其

目錄

一七

後九

脩華嶽碑

嶽下有廟字但正文亦無

五

前八

柳敏碑

柳校榴立闕其

十二

前七

水經注

無注字正音官

一 二十三

前一

受象乾从

作乾

六四

前八

生徒三年

汪日秀刊本同

年作千

二

八

後五

以漸補治

治作治

六

十二

後四

淮則大聖

淮作准

五

三六

後五

有無正繇

有作省

十二

後八

千侯用張

千作予似當作千

四

前二

彬大尅武

大作亥

後四 亦未成人也

亦作示

十四 後九

約之政 汪本同

約作豹

十七 前四

弱冠士郡吏

士作仕

七

四 後五

乃擢君無戎

無作與

九 前七

北軍軍中候 汪本同

無下軍字空一格

十三 後七

挾旅還師

挾校作振

十四 前三

不宜無牧

無作與

後二

傳云舉廉 汪本同

舉下校增孝字

十五 前九

謂之馮季

季作李

十六 前七

徵遠議官

遠作還

前八

□民假爾

空格旁注闕字

十八 後九

皤白之耄 汪本同

耄作老

八

一

前三

柳敏碑

柳校作榴

下同

後二

无鴈門太守

无作兄

後九

感衛人之凱風

衛作背

悼蓼義之劬勞

義作儀

三

後二

右□□□尉

空格係漢故衛三

四

前七

君諱長

長作表

十二

後八

行間疎蜜

蜜作密

九

七

後一

拌柯大守

汪本拌

拌作拌

十

後一

此屯司馬

此作北

二十

前二

云之石君詩

云作見

二十一

前七

塗而不滓

塗作溼

二十二 後七 合並列於 汪本同

合作今

十 二 前八 本傳王球

王作云

十一 前四 姓曰孫為 汪本同

為作焉

十二 前六 講 闕 童冠

小注一作三

十三 十七 後九 仕晉逢勛 汪本同

逢作建

十四 四 後一 世祖復阼

阼作作

十五 六 前八 分之考

分作公

十六 七 後四 又不類官者

官作宦

十七 十 後九 金精大佐 汪本同

大作火

十八 十六 前九 德稱並宣先兮 汪本同

先作光

十九 十八 後七 二字慕 闕

字作子

二十 二十一 後六 五博陵 汪本同 公義

原作鑿校作段公

八 三十一 六六 五用是綱 汪本同 五作王 二字

十二

六八

後七

五用是綱

汪本同

五作王

十四

後一

趙以爲魏晉字書

書作畫

十

後四

嘗以孔宙北禹湯

北作比

十六

後二

顛闕反殂

闕係沛字

十四

三

前五

則凡曰

凡作兄

十一

十一

後二注

板本有也日二字

校日是日字

十五

二十

前四

一日策書

日作曰

六

後七

又云逆流況深

校沉誤況

八

後一

鄭施都求掾

汪本同

求作水

九

前八

未云水由池中

未作末

十三

後一

有林官

汪本同

有作育

十六

二

前一

以報知己

下有韓王聶政四

十七

二

後六

帝之家弟

家作冢

二十

四

前一

此此英喆

上此字作圮

八

後四

東海郟

下有人字作一行

十八

八

後六

明非死異稱

汪本同

非下有生字

九

後四

則左右郟字

汪本同

左作有

十九

六

前四

天下分崩崩

不疊崩字八葉對

七

後三

臣觸臣當臣

次行接第九葉後

八行生臣圃臣神

八

後五

傳之凶極

次行接第十一葉

前一行右魏受禪

表一廿古賤受羈

九 後七 於是羣公卿士

次行接第七葉後

四行僉曰陛下聖

德行對策八葉後

十六 後九 及嗣位

次行接第八葉後

六行先皇龍興

十八 後四 楊仁風以作教

楊作揚

二十 前三 以經子諸邑

予作于

二十一 後九 文字淺敵

敵作鄙

二十二 前六 汝南出南山

上南字作水

二十三 後六 蜀郡守守騰

上守字作太

二十四 後八 許績碑

汪本同 下同

績作績

十八 後八注

征錢文

錢作鉞

二十三 前六

鷄鳴夫上

夫作天

二十一 四 前八

遷銅陽侯相

銅作銅

二十六 十二 前六

鄆兒銀

鄆作鄆

十四 前五

不足為實

實作失

十五 後六

命工鑄石之

石作治

二十五 二十一 後六

周察之際

察作秦

二十四 後七

元氏令王翎

翎作翊

三十二 前七

久而弗知從來自

弗知從作佛之徒

西夷

二十二 八 前六

賊下亦減一字

減作減

十 前四

張諺孝德

汪本同

孝作季

二十三 十一 前一 後立其廟 汪本同 後作復

二十二 十八 前二 又曰後舊典字 後作復

二十四 二十 前一 鄉尹五千 尹作戶

三十二 前一 蔡邕文并書來自 井作并 并將之封

二十三 後二 擊破郡賊 附 郡作羣 前八葉後

二十五 四十一 前一 令雷澤 附 令作今 皇龍典

六正 後九 誤轉寫為恭 汪本同 轉校作傳

十二 後二 九□□守之長兄 空格係江太二字

二十六 四二 前三 謂張魯也 魯作角

二十七 二 前七 注 在陳留縣東三十 三作五

三十三 前六 五里 汪本同 夫前天

三八 前一 漢熊敏碑 汪本同 熊作譙

六

後四

漢俠伯咸碑

汪本同

俠作侯

七

前一

漢古司馬城鐵碑

汪本同

古校作右

一 前二 九國...

二 前二 九國...

三 前二 九國...

四 前二 九國...

五 前二 九國...

六 前二 九國...

七 前二 九國...

八 前二 九國...

九 前二 九國...

十 前二 九國...

十一 前二 九國...

蒙古國熱河鐵礦

五本

古對和六

六

對和

對和